



საქართველოს მთავრობის ბანკარბულება

№ 2569 2018 წლის 31 დეკემბერი ქ. თბილისი

საქართველოს განათლების, მეცნიერების, კულტურისა და სპორტის
სამინისტროსა და საქართველოს განათლების, მეცნიერების, კულტურისა და
სპორტის სამინისტროს ტერიტორიული ორგანოებისათვის –
საგანმანათლებლო რესურსცენტრებისათვის „საქართველოს 2019 წლის
სახელმწიფო ბიუჯეტის შესახებ“ საქართველოს კანონით გათვალისწინებულ
შეზღუდვებზე გამონაკლისების დაშვების თაობაზე

1. „საქართველოს 2019 წლის სახელმწიფო ბიუჯეტის შესახებ“
საქართველოს კანონის 25-ე მუხლის:

ა) მე-2 და მე-3 პუნქტების შესაბამისად, საქართველოს განათლების,
მეცნიერების, კულტურისა და სპორტის სამინისტროს მიეცეს თანხმობა,
შრომითი ხელშეკრულებით დასაქმებულ პირთა რაოდენობა განსაზღვროს არა
უმეტეს 295 ერთეულით, მათ შორის, არამუდმივი ამოცანების
შესასრულებლად – 165 ერთეულითა და განათლების რეფორმის ფარგლებში –
30 ერთეულით;

ბ) მე-2 პუნქტის შესაბამისად, საქართველოს განათლების, მეცნიერების,
კულტურისა და სპორტის სამინისტროს ტერიტორიულ ორგანოებს –
საგანმანათლებლო რესურსცენტრებს მიეცეთ თანხმობა, შრომითი

ხელშეკრულებით დასაქმებულ პირთა რაოდენობა განსაზღვრონ არა უმეტეს 167 ერთეულით.

2. განკარგულება ძალაშია 2019 წლის 1 იანვრიდან.

პრემიერ-მინისტრი



მამუკა ბახტაძე